



Na osnovu člana 1. Budžeta Kantona Sarajevo za 2023. godinu ("Službene novine Kantona Sarajevo" broj: 15/23) i člana 35. Zakona o izvršavanju Budžeta Kantona Sarajevo za 2023. godinu ("Službene novine Kantona Sarajevo" broj: 15/23), ministrica za nauku, visoko obrazovanje i mlade Kantona Sarajevo, donosi

ODLUKU

o raspisivanju Javnog poziva za sufinansiranje troškova III ciklusa studija na Univerzitetu u Sarajevu dobitnicima priznanaja „Zlatna značka Univerziteta u Sarajevu“

Član 1.

U skladu sa operativnim planom i raspoloživim sredstvima nosioca budžetskih sredstava Ministarstva za nauku, visoko obrazovanje i mlade Kantona Sarajevo (u daljem tekstu: Ministarstvo) raspisuje se Javni poziv za sufinansiranje troškova III ciklusa studija na Univerzitetu u Sarajevu dobitnicima priznanaja „Zlatna značka Univerziteta u Sarajevu“ koja se nalaze u Budžetu Ministarstva na poziciji 614200 subanalitika QAM001 - Tekući transferi pojedincima.

Član 2.

(1) Pravo prijave na Javni poziv imaju kandidati dobitnici priznanja „Zlatna značka Univerziteta u Sarajevu“ koji su se u kalendarskoj 2023. godini nakon provedene konkursne procedure za upis u studijsku 2022./2023. godinu:

- prvi put upisali, odnosno stekli pravo upisa, prve godine III ciklusa studija na fakultetima/akademijama Univerziteta u Sarajevu;
- prvi put upisali drugu/treću godinu III ciklusa studija na fakultetima/akademijama Univerziteta u Sarajevu.

Pravo prijave iz stava (1) ovog člana imaju dobitnici priznanja „Zlatna značka Univerziteta u Sarajevu“ koji nisu ostvarili pravo na dodjelu sredstava po ovom osnovu, zbog kasnijeg početka studijske godine na III ciklusu studija na fakultetu/akademiji Univerziteta u Sarajevu u odnosu na vrijeme raspisivanja Javnog poziva Ministarstva za nauku, visoko obrazovanje i mlade Kantona Sarajevo, broj: 27/03-11-48149-1/22 od 29.11.2022. godine.





Bosnia and Herzegovina
Federation of Bosnia and Herzegovina
CANTON SARAJEVO
Ministry for Science, Higher Education and Youth

Član 3.

- (1) Pravo prijave na Javni poziv, osim kandidata iz člana 2. ove odluke, imaju kandidati dobitnici priznanja „Zlatna značka Univerziteta u Sarajevu“ koji se u kalendarskoj 2023. godini nakon provedene konkursne procedure za upis u studijsku 2023./2024. godinu:
- prvi put upisuju, odnosno stiču pravo upisa, prve godine III ciklusa studija na fakultetima/akademijama Univerziteta u Sarajevu;
 - prvi put upisuju drugu/treću godinu III ciklusa studija na fakultetima/akademijama Univerziteta u Sarajevu.

Član 4.

Na dodjelu novčanih sredstava ima kandidat koji ispunjava sljedeće uvjete:

- (1) državljanin Bosne i Hercegovine;
- (2) dobitnik priznanja „Zlatna značka Univerziteta u Sarajevu“;
- (3) u studijskoj 2022./2023., odnosno 2023./2024. godini prvi put upisao III ciklusa studija, odnosno da je prvi put stekao pravo upisa prve godine III ciklusa studija na fakultetima/akademijama Univerziteta u Sarajevu;
- (4) u studijskoj 2022./2023., odnosno 2023./2024. godini prvi put upisuje drugu/treću godinu III ciklusa studija na fakultetima/akademijama Univerziteta u Sarajevu.

Član 5.

Javni poziv će biti objavljen na web stranici Ministarstva za nauku, visoko obrazovanje i mlade Kantona Sarajevo i u jednim dnevnim novinama koje se distribuiraju na području cijele Bosne i Hercegovine.

Član 6.

Za provođenje Javnog poziva i realizaciju cjelokupnog postupka dodjele sredstava, ministrica za nauku, visoko obrazovanje i mlade Kantona Sarajevo će imenovati Komisiju, koja će utvrditi i objaviti preliminarnu rang listu dobitnika sredstva na web stranici Ministarstva.

Kandidat može podnijeti pisani prigovor ministrica za nauku, visoko obrazovanje i mlade Kantona Sarajevo na preliminarnu rang listu u roku od 8 dana od dana objavljivanja iste na web stranici Ministarstva.

Odluka ministrice za nauku, visoko obrazovanje i mlade Kantona Sarajevo po izjavljenom prigovoru je konačna.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-029
Web: <http://mon.ks.gov.ba>, E-mail: info@mon.ks.gov.ba



Bosnia and Herzegovina
Federation of Bosnia and Herzegovina

CANTON SARAJEVO
Ministry for Science, Higher Education and Youth

Član 7.

Javni poziv se okončava donošenjem odluke ministricе za nauku, visoko obrazovanje i mlade Kantona Sarajevo kojom se utvrđuje konačna rang-lista dobitnika sredstava sa naznačenim iznosom sredstava za svakog dobitnika.

Konačna rang-lista dobitnika biće objavljena na web stranici Ministarstva.

Član 8.

Ova odluka stupa na snagu danom donošenja.

MINISTRICA

Prof. dr. Adna Mesihović



Broj: 27-03-04-49533/23
Sarajevo, 22.11.2023. godine

Pripremila: Berina Tabak
Kontrolisao: Nihad Šet

Dostaviti:

1. Ministarstvo za nauku, visoko obrazovanje i mlade Kantona Sarajevo
2. Evidencija
3. Arhiva



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-029
Web: <http://mon.ks.gov.ba>, E-mail: info@mon.ks.gov.ba